



Tusagassiorfitsigut nalunaarut

Aprilip 21-t 2020 – Anchorage, Alaska

Issittumi peqqinnissaq - aaqqissuusaanermi aaqqittariaqakkat - Coronavirus aamma Inuit kulturiat nukittoq

Coronavirusip nunarsuatsinni siaruarnerani Inuit Issittormiut Siunnersuisoqatigiivi (ICC), kiisalu siunnersuisoqatigiinni Peqqinnissaq pillugu Ataatsimiititaliap aarlerissutigaa, Issittumi avinngarusimasuni Inuit najugallit peqqissutsikkut aarlerinartorsionerata annertunerujussua. Inoqarfinni assigiinngitsuni aaqqissugaanerup amigaateqarnera, soorlu inissaqarniarnerup, inuussutissaqarniarnerup ajornartorsiutaanera, imeqarneq, anartarfeqarniarnikkut ajornartorsiutit kiisalu internetikkut attaviit pitsaannginneri. Tamakkuupput Inuit Nunaanni amerlanertigut inoqarfinni amigaataaqisut. Inuit Nunaani innuttaasut Chukotkami, Alaskami, Canadami aamma Kalaallit Nunaanni katillugit 180.000-it missaannik amerlassuseqarput.

“Nunagisatsinni kulturitta tammariartunnginnissaa pillugu inuit unammillernartunik arlalinnik nalaataqaraluarlutik inuuniaallaqqissuseqarnermik pigisaqarpugut” - taama oqarpoq ICC-p siulittaasua Dalee Sambo Dorough.

Nangilluni aamma oqaatigaa, ataatsimooqatigiilluni inuuneq ileqqutoqarigipput, oqaluttuarisaanermilu nappaassuit uatsinnut eqquisimasut soorlu tuberkulose, mæslingimik nappaalaneq aamma polio misigisarsimavagut, taamaattumillu naleqqussarnissaq pisariaqartuartartoq. Ajornartorsiutit ukiuni arlalinnngortuni ullumikkumut qaangerniagarigivut ilanngullugu oqaatigaa.

ICC-mi Peqqinnissaq pillugu Ataatsimiititaliami COVID-19 pillugu eqqartueqatigiipput. Ataatsimiititaliap maluginiarpaa, inuppasuulluni najugaqatigiittarnerit kiisalu inissaqarniarnermi ajornartorsiutit manna tikillugu takutereeraat, inuit issanngunermik allatigullu anersaartornikkut nappaatillit amerlialuttuinnartut.

Inuussutissaqarniarnermi ajornartorsiutit ilanngullugit sumiiffippassuarni atuuttut aarlerissutissaqarnitsinnik takutitsipput. Peqqinnissaq pillugu aaqqissugaanerup ajornartorsiuterpassuaqartarnera pissutigalugu sulii annertunerusumik aarlerissutissaqarpugut. Sumiiffinni iliuuseqartoqanngippat tunillaassuineq annertuseriaannaavoq, ilaatigullu inuunermik akeqarsinnaalluni. Nunarsuaq tamakkerlugu tunillaassuuttoqarnera pissutigalugu assigiinngisitsineq ersarinnerulerpoq.

Peqqinnissaq pillugu ataatsimiititaliap aamma maluginiarpaa, nunarsuaq tamakkerlugu iliuusereqqusat kinguneqarmata. Naggueqatigiit Inuit ilaqutariissuseq pingaartitaraat, piniakkanik avitseqatigiinneq tapersersoqatigiinnerlu ileqqoraagut. Ulluni makkunani tulluussarlutalu nutaanik ileqqunik nassaartorpugut. Tamakkulu ilinniarfigalugit Inuit Nunaanni peqqinnissaq pillugu ataatsimeersuartoqarnissaanut ilikkakkat saqqummiunneqarnissaat pilersaarutigaaarpud, siunissamummi piareersarnissaq pisariaqarpoq, ajornartorsiutaasinnaasullu iliuuseqarfiginissaat pisariaqarluni.

Naggueqatigiit Inuit Peqqissusaat pillugu ataatsimeersuarnissaq septemiberimi Kuujjuarmi Nunavimmiittumi pisussaagaluartoq COVID-19 pissutigalugu kinguartikkallarnerpoq.



Inuit Issittormiut Nunaanni aqqissuussaanermi ajornartorsiutit eqqaallugit, nunarsuarmi nunat inoqqaavisa allat aamma oqariartuutigisaat assigalugit assigiinngisitsinerit iliuuseqarfigineqarnissaat inuuniarnikkut aningaasarsiornikkullu naligiinnerulernissaq siunertarigipput oqariartuuteqarnerput paasisariaqarpoq.

Attavissat:

Kelly Eningowuk

ICC (Alaska)907-274-9058

kelly@iccalaska.org

Hjalmar Dahl

ICC Greenland

hjalmar@inuit.org

Ph.: +299 323632